


Өңірде өркенді істер атқарылууда



Жұмахан МЫРХАЛЫҚОВ,
Әуезов атындағы ОҚМУ-дің
ректоры, академик

Елбасы Жолдауы мен ҚР іс-шараларының үзек асырылуы аясында өңірде қымды жұмыстар атқарылууда.
Ұлт жоспары ұзақ мерзімге ептелген стратегиялық құжат едімізбен, оның аясында быданғы жатқан нақты дамдардың игілігін халық қазірдің

өзінде сезінуде. Айталық, 2016 жылдың қаңтар айынан бастап бюджеттік саладағы азаматтық қызметкерлердің жалақысы мен қариялардың зейнетақысының және мүмкіндігі шектеулі азаматтардың жәрдемақысының өсуі баршаны қуанышқа бөледі. Өйткені, еңбек адамдарына лайықты жағдай жасау мен мұқтаж жандарға әлеуметтік қолдауды күшейту қашан да маңызды әрі қайырлы іс.

Қазақстанның басқа өңірлері секілді Оңтүстік Қазақстан облысында да ауқымды істер атқарылууда. Маңдайынан күн сүйген біздің туған өлкемізде бұрынғысын айтпағанда, соңғы бір жылда атқарылған жұмыстардың өзі ұшан-теңіз. Елбасы Нұрсұлтан Назарбаев ұлттық экономикамызды шикізатқа тәуелділіктен құтқару үшін кәсіпкерлік пен өндірістің дамуына, ауыл шаруашылығының жаңалануына ерекше назар аударып келе жатқаны белгілі. Мемлекет басшысының жеке қадағалауы мен қамқорлығының нәтижесінде Оңтүстік Қазақстан облысында ауыл шаруашылығы, кәсіпкерлік

салалары айтарлықтай дамып, өндіріс жандана бастады. Соның бір айғағы Ордабасы ауданында трактор зауытының ашылғандығы дер едім. Аграрлы өңір болып саналатын Оңтүстік Қазақстан облысы үшін ауыл шаруашылығы техникаларының қашанда орны бөлек. Бір сәт еске түсірелікші, тап осындай заманауи, сапалы тракторды қашан өзіміз жасап, өзіміз құрастырып едік? Жоқ, мұндай тірлік тіпті кешегі Кеңес Одағының дүркіреп тұрған кезінде де болмаған. Бұл – Елбасы Нұрсұлтан Назарбаев қабылдаған Үдемелі индустриялық-инновациялық даму бағдарламасының жемісі. Темірланда құрастырылып жатқан «Киоти» маркалы трактор жер өңдеуге, ауыл шаруашылығы өнімдеріне күтім жасауға өте ыңғайлы. Мұндай заманауи техникаға мол жеткізіген диқандардың қырманы тасып, еліміздің несібесін арттыра түсетіні ақиқат.

(Соңы 2-бетте)

● (Соңы. Басы 1-бетте).

Бұқаралық ақпарат құралдарынан білетініміздей, облысымызда ауыл шаруашылығы өнімдерін қайта өңдеу, құрылыс материалдарын өндіру, тоқыма өнеркәсібін, фармацевтиканы, туризмді дамыту бағыттарында қыруар жұмыстар атқарылуда. Атап айтар болсақ, өңірлік жалпышкі өнім көлемінің 2 триллион 100 миллиард теңгеден асуы – үлкен жетістік. Ал, облыс диқандарының 2 миллион тоннадай көкөніс пен бау-бақша өнімдерін өсіруі ауыл шаруашылығына көрсетіліп жатқан мемлекеттік қолдаудың нәтижесі.

Бұрындары кәсіпкерлік пен өндірістің дамуына ең алдымен әкімшілік кедергілердің көптігі тосқауыл болатыны айтылушы еді. Сол себепті облыста Кәсіпкерлерге қызмет көрсету орталығы ашылып, «бір терезе» қағидасы енгізілген. Онда өз ісін бастаған азаматтарға кәсіби мамандар көмектеседі. Орталық бүгінгі күнге дейін 50 мың бизнесменге қызмет көрсеткен. Елу мың кәсіпкердің қол астында 2-3 адамнан жұмыс істейді дегеннің өзінде, олардың әрқайсысының арқасында бір-бір отбасы тұр. Демек, Елбасының сарабал саясатының арқасында ашылған осы бір орталықтың пайдасы қаншама адамға тиіп, олардың тұрмысының түзелуіне ықпал еткенін өзіңіз бағамдай беріңіз. Биыл облыстың барлық аудан-қалаларында да Кәсіпкерлерге қызмет көрсету орталықтары мен Кәсіпкерлік мектептері ашылыпты. Олардың барлығы да типтік ғимараттарда жұмыс істеуде.

Шымкент қаласының маңынан ашылып, нәтижелі жұмыс істеп жатқан «Оңтүстік» индустриалды аймағы мен «Оңтүстік» арнайы экономикалық аймағы –

ӨҢІРДЕ ӨРКЕНДІ ІСТЕР АТҚАРЫЛУДА

Президенттің Үдемелі индустриялды-инновациялық даму бағдарламасының төл туындысы. Мұнда ондаған мың адам жұмыс істеп, бір жағынан бюджетке салық төлеп жатса, екінші жағынан отбасыларын асырауда. Ал, Шымкент қаласында жаңадан тағы 4 индустриялды аймақ ашу, сонымен қатар облыстың барлық аудан, қалаларында да индустриялды аймақ құру жөніндегі жаңалық бүкіл халықты қуанышқа бөлеп, ертеңгі күнге деген сенімімізді нығайтты.

Осы орайда М.Әуезов атындағы ОҚМУ-дің ғалымдары еліміздің инновациялық дамуына, ғылым, білім беру мен мәдениет салаларының алға жылжуына зор үлес қосқанын атап өткен жөн. Біздің оқытушы-профессорларымыз сапалы кадрлар өзірлеп, халықтың зияткерлік деңгейінің өсуіне ықпал етуде.

Облыста әлеуметтік салада, білім беру мен денсаулық сақтауда, руханият пен мәдениетте де ауқымды жұмыстар атқарылуда. Барлығын тізбектемей-ақ қоялық, тек биылдың өзінде облыста 104 мектептің құрылысы жүргізіліп, оның 49-ы пайдалануға берілмек. Осының өзі Қазақстанның дағдарыс кезінде де әлеуметтік салаға қаншалықты көңіл бөліп отырғанын көрсетеді емес пе?!

Ал, мәдениет саласында ше? Бұрынғыны

айтпағанда, соңғы бірер жылда ашылған мәдениет нысандарын атасақ та жеткілікті. Шымкенттегі «Отырар» кітапханасы, «Түркістан» саптанат сарайы, Көрме орталығы, Ж.Шанин атындағы облыстық академиялық қазақ драма театры, мем. облыстық тарихи-өлкетану мұражайының жаңа ғимараттары, салт-дәстүр орталығы, Бейнелеу өнері мұражайы... Осының барлығы соңғы бір-екі жылда ашылған ірі-ірі мәдениет ордалары. Демек, бұл саланың дамуы да назардан тыс қалып жатқан жоқ.

Аталған ғимараттардың біркатары Шымкенттің жаңа әкімшілік-іскерлік орталығында бой көтерді. Мемлекет басшысының Шымкентті Қазақстандағы үшінші қалаға айналдыру жөніндегі тапсырмасының қалай орындалып жатқанын тап осы әкімшілік-іскерлік орталыққа қарап-ақ байқауға болады. Мұндағы облыс әкімдігі мен облыстық мәслихаттың 16 қабатты жаңа ғимараты Оңтүстік өңір дамуының нышанындай көрінеді. Бір сөзбен айтқанда, Елбасының қамқорлығының арқасында Шымкент елордамыз Астанаға қарап бой түзеп, сол ізбен дамып келеді. Президенттің тапсырмасы толық орындалғанда Шымкент адам танымастай өзгеріп, бұл Ұлт Көшбасшысының тағы бір тарихи еңбегіне айналары сөзсіз.

● (Соңы. Басы 1-бетте).